

Nu penziero

Nu pote mancà, nu pote mancà

nu penziero p'a ggende ca nu stà cchju cca.

Ve voglio scrive na lettera come se facia na vota

appecchè me ricordo sembe ca' a vita è na rota.

Ve voglio parlà r'u paese ca aita lassato,

pare accussì ma poco è cangiato...

a gennaio se festeggia ppe vvuto a Pietà

a febbraio nge sò i vvite ra putà.

Marzo, frasche r'aulive r'abbruscià

quanda cambagne viri fumà.

Saglieno a l'ario mundagne re jango fumo

c'addore... che profumo!

I cungree vieneri sando

che strazio chiru cando...

Aprile, maggio e giugno

se penza a l'uorto cu'u pastanaturu n' pugno.

Se zappa, se chjanda, s'arracqua e sse coglie abbondande

frutta, verdura e cipolle sande!

...E sse sape ppe tutt'u munno ca Vatolla

è u' paese re Sanda Cipolla!

Pò vene a' festa... rui luglio ppe tradizione

bangarelle, banda, fuoco e lluminazione!

Austo, capo re vernata rice u' ritt'andico

ma è u' mese ppe bberé chi torna, ppe bberé n'amico.

Settembre fico seccate

e tine attagnate.

Ottobre prepara i teli ca colorano i cambagne

u'vino indo e rramigiane e i ccastagne ind' e mundagne!

Novembre accummenza cu na visita o' cimitero

quanda ggende sta ggìa llà... nu mme pare vero!

Dicembre u' tuzzone semb'appicciato

vene Natale e sse ngenga u' lambiccato.

Facitive na risata

vui ca 'sta terra aita lassata.

Puro ppe vvui aggia scritto 'ste parole

u' ricordo spero ca nù ve role!